

Nunalerinermik inuussutissarsiteqarnermut siuarsaaneq pillugu Namminersorlutik Oqartussat nalunaarutaat

Nunalerinermik inuussutissarsiteqarnermut siuarsaaneq pillugu Inatsisartut inatsisaanni nr. 28, 23. maj 2024-meersumi § 2, imm. 2, § 8, imm. 1, nr. 1 aamma 3, aamma § 8, imm. 2, nr. 2 naapertorlugit, aalajangersarneqarput:

Kapitali 1

Inuussutissarsiutinik siuarsaaneq ilaannut aalajangersakkat immikkut ittut

Illut inuussutissarsiteqarfii

§ 1. Naalakkersuisut, inuussutissarsiteqarnermut siuarsaaneq pillugu nunalerinermi, illunik inuussutissarsiorfiusunik sananermut, alliliinermut tigusiinermulluunniit nunalerinermut inuussutissarsiteqarnermut tapiissuteqarsinnaapput.

Imm. 2. Imm. 1 naapertorlugit inuussutissarsiteqarnermut siuarsaaneq atortunut, sakkunut pisarialinnut, suliniutip pineqartup naammassineqarnissaanut toqqaannartumik attuumassuteqartumik atortussanut pisariaqartunut, nassiuussinermut aningaasartuutitut, sanasunik ikiorteqarnermut aamma teknikkikkut siunnersorneqarnermut, illuni inuussutissarsiorfiusuni atorneqartussanut aningaasartuutissatut naatsorsuutigineqartunut imaluunniit aningaasartuutitut uppersarneqarsimasunut tunniussisoqartassaaq, imatut agguaneq malinneqassalluni:

1) Taarsigassarsiat erniaqanngitsut akilersugassanngitsullu: 95 %-it

2) Nammineerluni aningaasaliissutit: 5 %-it

Imm. 3. Inuussutissarsiteqarnermut taarsigassarsiat piffissaq akilersorneqarfissaat sivisunerpaamik ukiunut 25-nut aalajangerneqassaaq.

Nammineerluni illuliat aamma illut inissiisarfii

§ 2. Naalakkersuisut, inuussutissarsiteqarnermut siuarsaaneq pillugu nunalerinermi, nammineerluni illulianik najugaqarfissanik sananermut tigusiinermulluunniit, imaluunniit illunik sulisunut inissiisarfissanik tigusiinermut nunalerinermut inuussutissarsiteqarnermut tapiissuteqarsinnaapput.

Imm. 2. Taamaallaat nammineerluni illulianut, nunaleriffeqarfinni sananeqartunut inuussutissarsiteqarnermut tapiissuteqarsinnaavoq.

Imm. 3. Imm. 1 naapertorlugit inuussutissarsiteqarnermut siuarsaaneq atortunut, sakkunut pisarialinnut, suliniutip pineqartup naammassineqarnissaanut toqqaannartumik attuumassuteqartumik atortussanut pisariaqartunut, suliniutitut pilersaarutip pineqartup naammassineqarnissaanut toqqaannartumik

attuumassuteqartunut, nassiussinermut aningaasartuutitut, sanasunik ikiorteqarnermut aamma teknikikkut siunnersorneqarnermut, nammineerluni illuliamut imaluunniit unnisarfimmutatorneqartussanut aningaasartuutissat naatsorsuutigineqartunut imaluunniit aningaasartuutitut uppersarneqarsimasunut tunniussisoqartassaaq, imatutagguassinikkut:

- 1) Taarsigassarsiat erniallit: 20 %-it
- 2) Taarsigassarsiat erniaqanngitsut akilersugassaanngitsullu: 75 %-it
- 3) Nammineerluni aningaasaliissutit: 5 %-it

Imm. 4. Inuussutissarsiutinik siuarsaanermut taarsigassarsianik akilersuinissaq sivilunerpaamik ukiuni 25-ni pisinnaasoq aalajangersarneqarpoq.

Nukissiutinut ataavartunut innaallagissiorfiit

§ 3. Naalakkersuisut, inuussutissarsiutigalugu nunalerinermi, sanaartukkanik, ataavartumik nukissiornermut atugassanik nunalerinermut inuussutissarsiutinik siuarsaanermut aningaasaliisinnaapput, taakkunungalua ilaatinneqarlutik erngup nukinganik innaallagissiorfeeqqat aamma seqernup qinngorneranit innaallagissiorfiit..

Imm. 2. Imm. 1 naapertorlugu inuussutissarsiutinik siuarsaanermi taarsigassarsianut atortunut, sakkunut pisarialinnut, suliniutip pineqartup naammassineqarnissaanut toqqaannartumik attuumassuteqartumik pisariaqartunut atortussat, suliniutitut pilersaarutip pineqartup naammassineqarnissaanut toqqaannartumik attuumassuteqartunut, nassiussinermut aningaasartuutitut, sanasunik ikiorteqarnermut aamma teknikikkut siunnersorneqarnermut, aningaasartuutissat naatsorsuutigineqartunut imaluunniit aningaasartuutitut uppersarneqarsimasunut tunniussisoqartassaaq, imatut agguaneq malinneqassalluniagguassisoqartassalluni:

- 1) Taarsigassarsiat erniallit: 40 %-it
- 2) Taarsigassarsiat erniaqanngitsut akilersugassaanngitsullu: 50 %-it
- 3) Nammineerluni aningaasaliissutit: 10 %-it

Imm. 3. Inuussutissarsiutinik siuarsaanermut taarsigassarsianik akilersuinissaq sivilunerpaamik ukiuni 25-ni pisinnaasoq aalajangersarneqarpoq.

Maskinat sanaartukkallu allat

§ 4. Naalakkersuisut, inuussutissarsiutigalugu nunalerinermi, inuussutissarsiutinik siuarsaanermi ukuninnga pisinermut, sananermut tigusinermulluunniit nunalerinermut inuussutissarsiutinut tapiissuteqarsinnaapput:

- 1) Maskiinat, sakkut, ungalut kiisalu ingerlatsinermi atortut pisariaqartut allat.
- 2) Innaallagissiornermut atortunik sananeq pisinerluunniit.
- 3) Suliamik ingerlatsinermut atatillugu angallammik ATV-milluunniit, inunnik inuussutissarsiornermilu assartuinermut atugassamik pisineq.

Imm. 2. Imm. 1 naapertorlugu inuussutissarsiutinik siuarsaanermi taarsigassarsianik atortunut, nassiussinermut aningaasartuutitut, sanasunik ikiorteqarnermut aamma teknikikkut siunnersorneqarnermut aningaasartuutissat naatsorsuutigineqartunut imaluunniit aningaasartuutitut uppersarneqarsimasunut tunniussisoqartassaaq, imatutagguassisoqassalluni:

- 1) Taarsigassarsiat erniallit: 90 %-it
- 2) Nammineerluni aningaasaliissutit: 10 %-it

Imm. 3. Inuussutissarsiutinik siuarsaanermut taarsigassarsianik akilersuinissaq sivilunerpaamik ukiuni qulini pisinnaasoq aalajangersarneqarpoq.

§ 5. Naalakkersuisut, inuussutissarsiutigalugu nunalerinermi, nersutit inaanniit naggorissaatissanik siaruarterisummik aamma imerterisummik pisinissamut inuussutissarsiutinik siuarsaanermi nunalerinermut inuussutissarsiutinut tapiissuteqarsinnaapput.

Imm. 2. Imm. 1 naapertorlugu inuussutissarsiutinik siuarsaanermi taarsigassarsisitsisoqartassaaq pisinermi aningaasartuutit naatsorsuutigisamik uppersaartilinnut akileriikkaanulluunniit, tassunga ilanngullugit atortut, assartuinermut aningaasartuutit, sanasunik ikiorteqarnerit teknikkikkullu siunnersorneqarnerit, imatut agguanneqartussanik:

- 1) Taarsigassarsiat erniallit: 50 %-it
- 2) Taarsigassarsiat erniaqanngitsut akilersugassaanngitsullu: 40 %-it
- 3) Nammineerluni aningaasaliissutit: 10 %-it

Imm. 3. Inuussutissarsiutinik siuarsaanermut taarsigassarsianik akilersuinissaq sivilunerpaamik ukiuni qulini pisinnaasoq aalajangersarneqarpoq.

Iluarsartuussinerit

§ 6. Naalakkersuisut, inuussutissarsiutigalugu nunalerinermi, illuni inuussutissarsiorfiusuni, nammineerluni illuliani, unnuisarfinni aamma nukissiutinik ataavartunik iluarsartuussinermut inuussutissarsiutinik tapiissuteqarsinnaapput, nalilerneqarpat iluarsartuussinequnaleriffiup ingerlaannarnissaanutimaluunniit pigisap nalilik iluarsartuunneqanngikkuni siunertamut atorsinnaajunnaarsimappat.

Imm. 2. Imm. 1 naapertorlugu inuussutissarsiutinik siuarsaanermi taarsigassarsisitsineq pissaaq atortunut, suliniutip pineqartup naammassineqarnissaanut toqqaannartumik attuumassuteqartumikpisariaqartinneqartunut aningaasartuutit naatsorsuutigisamik uppersaateqarpata imaluunniit akilerneqareersimappata, soorlu nassiussinermut aningaasartuutitut, sanasunik ikiorteqarnermut aamma teknikkikkut siunnersorneqarnermut, iluarsartuussinermut atorneqartussanut imatut agguaaassisoqassalluni:

- 1) Taarsigassarsiat erniallit: 15 %-it
- 2) Taarsigassarsiat erniaqanngitsut akilersugassaanngitsullu: 75 %-it
- 3) Nammineerluni aningaasaliissutit: 10 %-it

Imm. 3. Inuussutissarsiutinik siuarsaanermut taarsigassarsianik akilersuinissaq sivilunerpaamik ukiuni 25-ni pisinnaasoq aalajangersarneqarpoq.

§ 7. Naalakkersuisut, inuussutissarsiutigalugu nunalerinermi, §§ 4-mut aamma 5-mut ilaasunut maskiinanik atortunillu allanik iluarsartuussinermut nunalerinermik inuussutissarsiutinik siuarsaanermut tapiissuteqarsinnaapputmissingiunneqarpat iluarsartuussineq unaleriffiup ingerlanneqarnerata ingerlaannarnissaanut imaluunniit pigisap iluarsartuunneqanngitsup siunertamut atorsinnaajunnaarneranik naliliisoqarpat.

Imm. 2. Imm. 1 naapertorlugu nunalerinermut inuussutissarsiutinik siuarsaanermi taarsigassarsisitsisoqassaaq atortunut, nassiussinermut aningaasartuutitut, sanasunik ikiorteqarnermut aamma iluarsartuussinermi teknikkikkut siunnersorteqarnermut aningaasartuutissatut naatsorsuutigineqartunut uppersarneqarsinnaasunut imaluunniit akilerneqareersimasunut, imatut agguaaassisoqassalluni:

- 1) Taarsigassarsiat erniallit: 90 %-it
- 3) Nammineerluni aningaasaliissutit: 10 %-it

Imm. 3. Inuussutissarsiutinik siuarsaanermut taarsigassarsianik akilersuinissaq sivilunerpaamik ukiuni qulini pisinnaasoq aalajangersarneqarpoq.

Nersutit kinguaassioortitat nersutaateqarnerlu

§ 8. Naalakkersuisut, inuussutissarsiutigalugu nunalerinermi, nersutinik kinguaassioortitanik nersutaatinillu pisinissamut nunalerinermut inuussutissarsiutinik siuarsaanermut tapiissuteqarsinnaapput, imatut pisoqartillugu:

- 1) pisinermi nersutaatit tamarmiusut ikinnerpaamik 20 %-inik amerlineqangaatsiarpata,
- 2) nersutit kinguaassioortitat nersutaatillu napparsimaneq, silap pissusaanut tunngasut assigisaaluunniit pissutigalugit pingaarutilimmik annaasaqarfiusimanerup pisariaqartilersimappagu pisinissaq
- 3) siornatigut nunaleriffiusimasumi nunalerinermik ingerlatsinermik aallartitseqqittoqarpat,
- 4) nunalerivimmik nutaamik aallartitsisoqarpat,
- 5) nunami uumasunik nujuartanik, nunalerinermi atorineqartussanik pisinermi nunnigussinermilu, imaluunniit
- 6) Naalakkersuisut inassuteqaataat nunalerinermullu politikki naapertorlugit nersutaatinik amerlisitsisoqarpat.

Imm. 2. Imm. 1 naapertorlugu inuussutissarsiutinik siuarsaanermut taarsigassarsiat tunniunneqassapput, imatut agguarneqassallutik:

- 1) Taarsigassarsiat erniallit: 90 %-it
- 2) Nammineerluni aningaasaliissutit: 10 %-it

Imm. 3. Inuussutissarsiutinik siuarsaanermut taarsigassarsianik akilersuinissaq sivilunerpaamik ukiuni qulini pisinnaasoq aalajangersarneqarpoq.

§ 9. Naalakkersuisut, inuussutissarsiutigalugu nunalerinermi, nunalerinermut inuussutissarsiutinik siuarsaanermi nunalerisunut, ingerlatanik nutaanik aallartitsisunut, imaluunniit ingerlatanik pioreersunik tiguisisunut nersutinik pisinissamut tapiissuteqarsinnaapput.

Imm. 2. Inuussutissarsiutinik siuarsaanermi imm. 1 naapertorlugu inuussutissarsiutinik siuarsaanermut taarsigassarsianik imatut agguarneqartunik tunniussisoqarsinnaavoq:

- 1) Taarsigassarsiat erniallit: 65 %-it
- 2) Taarsigassarsiat erniaqanngitsut akilersugassaanngitsullu: 30 %-it
- 3) Nammineerluni aningaasaliissutit: 5 %-it

Imm. 3. Inuussutissarsiutinik siuarsaanermi imm. 1 naapertorlugu qinnuteqaat ingerlatamik aallartitsinermiit imaluunniit pioreersumik tigusinermiit ukiut marluk qaangiutsinnagit Naalakkersuisunut saqqummiunneqarsimassaaq.

Imm. 4. Inuussutissarsiutinik siuarsaanermut taarsigassarsianik akilersuinissaq sivilunerpaamik ukiuni qulini pisinnaasoq aalajangersarneqarpoq.

Ingerlatsinermut taarsigassarsiat

§ 10. Naalakkersuisut, inuussutissarsiutigalugu nunalerinermi, nerukkaatissanut, naatitassanut, naggorissaatissanut assigisaannulluunniit aningaasartuutunut uppersarnarneqarsimasunut nunalerinermut inuussutissarsiutinik siuarsaanermut taarsigassarsititsinikkut inuussutissarsiutinik siuarsaanermut

tapiissuteqarsinnaapput. Ingerlatsinermit taarsigassarsiat aamma annikitsunik pisinermit aserfallatsaaliugassanullu annikitsunut uppersarneqarsinnaasunut atorneqarsinnaapput.

Imm. 2. Naalakkersuisut pisuni immikkut ittuni, imm. 1-imi taaneqartut saniatigut siunertanut allanut ingerlatsinermit taarsigassarsititsisinnaapput, tamatumunnga aningaasartutit nunalerinerup ingerlanneqarneranut attuumassuteqarpata, aningaasartuutillu taakku tassanngaannaq pisut kinguartinneqarsinnaanngitsullu peqqutigalugit akilerneqarnissaat pisariaqarpat.

Imm. 3. Imm. 1 aamma 2 naapertorlugit inuussutissarsiutinik siuarsaanermut aningaasaliissutissat inuussutissarsiormi siuarsaanermut taarsigassarsiarititut ernialittut 100%-inngorlugit tunniunneqarsinnaapput.

Imm. 4. Imm. 1 aamma 2 naapertorlugit inuussutissarsiutinik siuarsaanermut taarsigassarsianik akilersuinissaq sivilisunerpaamik ukiumi tallimani pisinnaasoq aalajangersarneqarpoq..

Nunagissaanermi suliat

§ 11. Naalakkersuisut, inuussutissarsiutigalugu nunalerinermit, siunertanut ukununga tapiissutitut nunalerinermit inuussutissarsiutinik siuarsaanermut tunniussisinnaapput, suliasat nunaminertani atuisinnaatitaaffik nunalerivimmik piginnittumut tunniunneqarsimasumi ingerlanneqassappata:

- 1) Nutaamik naggorissaaneq.
- 2) Naggorissaaqqinneq.
- 3) Nunaminertat naggorissagassat piareersarneqarneri.
- 4) Nunaminertat naggorissagassat imaarsarneqarneri.
- 5) Kalkilersuineq.
- 6) Narsaatinut aqqusinniorneq.
- 7) Narsaatinut aqqutinikimaarsaneq.
- 8) Narsaatinut aqqutit ataanni ruujorilersuineq.
- 9) Sermernarujussuareernerani naatitassanik ikkussueqqinneq.
- 10) Toqqaannartumik naatitassanik ikkussuineq.

Imm. 2. Imm. 1 naapertorlugu inuussutissarsiormik siuarsaanermut aningaasaliissutissat ilanngussaq 1-imi akit Nunalerinermit aningaasaliissutissat Naalakkersuisumit aalajangersarneqartut naapertorlugit toqqaannartumik tapiissutitut tunniunneqassapput.

Imm. 3. Ilanngussaq 1-imi Kalaallit Nunaanni Naatsorsueqqissaartarfiup ukiumi tunngaviusumi 2008-mi ukiumoortumik atuisunut akigitanik nalunaarsuiffianiakit nioqqutissanut kiffartuussinernullu tamanut atuuttut najoqqutarineqarput. Akigititanut iluarsiissuteqartoqartarpoq ukiut tamaasa, atuisunut akigitanik nalunaarsuineq ukiup siuliani oktobarimeersoq tunngavigalugu.

§ 12. Naalakkersuisut, inuussutissarsiutigalugu nunalerinermit, inuussutissarsiutinik siuarsaanermi ukuninnga aserfallatsaaliuinissamut tapiissutitut ilusilikkaniq tunniussisinnaapput:

- 1) § 11, imm. 1, nr. 4 naapertorlugu nunaminertani naatitsivissani kuuffilianut.
- 2) § 11, imm. 1, nr. 6 naapertorlugunarsaatit aqqusinniormeritut.
- 3) § 11, imm. 1, nr. 7 naapertorlugu narsaatinut aqquserngit kuuffissaannut.

Imm. 2. Imm. 1 naapertorlugu inuussutissarsiutinik siuarsaanermi tunniussat, ilanngussaq 1-imi akit, Nunalerinermit Naalakkersuisumit aalajangersarneqartut 50 %-ii toqqaannartumik tapiissutitut tunniunneqassapput.

§ 13. §§ 11, imm. 1 aamma 12, imm. 1 naapertorlugit nunagissaanermut tapiissutit Nunalerinermut Naalakkersuisoqarfimmut qinnuteqaammik nassiussisoqareernerani tunniunneqarsinnaapput. Nunaminertap suliarineqartussap annertussusia suliaassallu suuneri

Imm. 2. Nunagissaanissamut tapiissutinik qinnuteqartup Nunalerinermut Naalakkersuisoqarfik qinnuigisinnaavaa suliaq aallartinneqannginnerani neriorsuuteqareeqqullugit. Neriorsuuteqareertoqarsinnaavoq nalilerneqarpat suliaasaq tapiiffigineqarsinnaasoq suliaqartoqarnissaanillu pisariaqartitsineq, suliaassartaa nunagissaaffissap annertussusia taassuminngalu atuisinnaatitaaneq naliliiffiginiarlugit paasissutissat naammattut pigineqarpata.

Imm. 3. naapertorlugu neriorsuuteqareermermi tapiissutissat annertussusilerneqassapput, taamaalilluni qinnuteqartup tapiissutisiassani qulakkeersinnaaniassammagit, suliaasaq neriorsuuteqareermeq naapertorlugu suliarineqassappat kiisalu uppersaaitut piumasaqaataasut imm. 4 malillugu naammassineqarsimappata. Nunalerinermut Naalakkersuisoqarfiu tapiissutit amerlanerusut tunniussinnaavai, suliaq neriorsuutaareersimasumit annertuneruppat aammalu tapiissutisinissamut piumasaqaatit naammassineqarsimappata, taamaaliornissamullu aningaasaliissutissanut matussutissaqarpat.

Imm. 4. Nunagissaaneq naammassippat tapiiffigineqarnissamik qinnuteqaat uppersaaitit uku ilanngullugit nassiunneqassaaq:

- 1) § 11, imm. 1, nr. 1-10 kiisalu § 12, imm. 1, nr. 1-3 naapertorlugit suliaralugit naammassineqartut allaaserineqarneri.
- 2) Suliarisat sooq pisariaqarsimanerinit tunngavilersuut.
- 3) Nunaminertap angissusaanut uppersaait, nunamik uuttortaaartumit uuttortarneqarsimasooq imaluunniitsiunnersorti atortunik pigisalik ikiortigalugu uuttortasimaneq, tassunga ilanngullugu nunap assinga ilanngussaq.
- 4) Nunaminertamik atuisinnaatitaanermut uppersaait.
- 5) Nunalerinermut ilisimasalimmit siunnersortimit suliamut atatillugu oqaaseqaat.
- 6) § 11, imm. 1, nr. 5 aamma 8 naapertorlugit qinnuteqarnermi nunagissaanermik suliaqarnermut aningaasartuutit akilerneqartut uppersaaitaat ilanngunneqassapput.

Imm. 5. Nunagissaanermut tapiissutinik qinnuteqaat ukiumi pineqartumi nunagissaanermik suliaqarfiusumi nassiunneqassaaq.

Imm. 6. Nunalerinermut Naalakkersuisoqarfik nunagissaanermut tapiissutinik tunniussinnerminut atatillugu akiligassanik ilanngaassisinnaavoq, tak. § 31.

Kapitali 2

Qinnuteqartitsinerit taarsigassarsititsinissamullu piumasaqaatit aamma atorunnaarsitsineq

Qinnuteqartitsinerit aamma atsikkutigiissarinerit

§ 14. Nunalerinermut Naalakkersuisoq ukiumi taasami inuussutissarsiutinik siuarsaanermut imaluunniit inuussutissarsiutit ilaasa aalajangersimasut siuarsarneqarnissaannut qinnuteqartitsinissamut piumasaqaatinik aalajangersaasinnaavoq.

Imm. 2. Nunalerinermut Naalakkersuisoq qinnuteqartitsinissanut piumasaqaatinik aalajangersaaniarluni aalajangerpat, tamanna pillugu nunalerinermi suliniaqatigiiffiit kingusinnerpaamik ukiup siuliani 30. novembarimi

ilisimatinneqareersimassapput.

Imm. 3. Qinnuteqartitsinermi Nunalerinermut Naalakkersuisoq qinnuteqaatinik tulleriiaarinermut najoqqutassanik aalajangersaasinnaavoq, tassunga ilanngullugit suliniutit assigiinngitsut akornanni pingaarnersiuinerit, taarsigassarseriaatsit qinnuteqartullu.

Imm. 4. Qinnuteqartitsinermi Nunalerinermut Naalakkersuisup suliniutissatut pilersaarutitut ataasiakkaanut inuussutissarsiutinik siuarsaanermi taarsigassarsianut tunniunneqarsinnaasut annerpaaffissai aalajangersarsinnaavai.

§ 15. Inuussutissarsiutinik siuarsaanissaq pillugu qinnuteqaatip nalilersornerani Nunalerinermut Naalakkersuisoqarfik inuussutissarsiutinik siuarsaanermut taarsigassarsiat katitigaanerannik itigartitsisinnaavoq, appaasinnaavoq imaluunniit allannguisinnaavoq, suliniutip annertussusia aningaasartuutissaaluunniit makkununga naapertuutinngippata:

- 1) ingerlatap angissusianut
- 2) ingerlatap ingerlatsinermit aningaasaqarnermullu tunngavissaanut imaluunniit
- 3) suliniutitut pilersaarutip naatsorsuutigineqartup ingerlatap ineriartorneranut pingaaruteqarneranut .

Imm. 2. Naliliinermit pingaartinneqarsinnaavoq suliassap siunertaminut ingerlatsinermilu ataatsimut suliassartaanut sanilliullugit erniaqanngitsunik akilersugassaanngitsunillu naleqqutinngitsunik atuiallaarnissaa.

§ 16. Inuussutissarsiutinik siuarsaanissamut taarsigassarsiat qinnuteqartumut tunniunneqarsinnaanngillat qinnuteqarnerup nalaani inuussutissarsiutinik siuarsaanissamut taarsigassarsianut akiitsoqarpat akilerneqarsimanngitsunik akiitsullu akilerneqarsimanngitsut qinnuteqartup inuussutissarsititik siuarsaanermi taarsigassarsiaani tamani akiitsut aningaasat uninngasut tamakkiisut 10 %-imik amerlaneruppata.

Imm. 2. Nunalerinermut Naalakkersuisuppissutsit immikkut ittuuppata aamma inuussutissarsiutinik siuarsaanermi taarsigassarsianik tunniussineq illersorneqarsinnaasutut nalilerneqarpat, i imm. 1-mi piumasaqaatit saneqqussinnaavai.

Inuussutissarsiutinik siuarsaanermit akiliutit

§ 17. Inuussutissarsiutinik siuarsaanermi taarsigassarsianik tunniussineq akiligassiisut imaluunniit aningaasartuutitut uppersaat taamatut nalilik tunngavigalugit pissaaq.

Imm. 2. Uppersaat Nunalerinermut naalakkersuisoqarfiup taarsigassarsisitsisarfiani isumaqatigiisummut normu innersuussaq ilanngullugu digitalikkut nassiunneqassaaq.

Imm. 3. Nunalerinermut Naalakkersuisoqarfiup aningaasartuutigineqartoq akuersissutigissavaa aamma pilersuisumut, sulisitamut imaluunniit taarsigassarsisumut aningaasartuut akilerneqareersimappat toqqaannartumik akiliissaaq.

Imm. 4. Suliassamut taarsigassarsisup qanigisaanit, tassunga ilanngullugit ilaquttat imaluunniit inuit ingerlatap aningaasarsiorneranik soqutigisallit, suliarineqarsimasumut aningaasartuutit taamaallaat akilerneqarsinnaapput, imaappat:

- 1) niuernermit pissutsit atugassarititaasut malillugit suliaq suliarineqarsimappat,
- 2) aningaasartuutigisaaqakiligassamik nassitsisimanikkut uppersarneqarpat, aamma
- 3) aningaasartuutigisaaq Nunalerinermut Naalakkersuisoqarfiup nalileereerneratigutpiviusutut tapiiffiqineqarsinnaasutullu isigineqarpat.

§ 18. Tapiissutit qinnuteqartup nunalerinermik ingerlataqarnerminut NemKonto-anut nalunaarsorsimasumut nuussinikkut akilerneqassapput.

Nammineerluni aningaasaliissutit

§ 19. Naalakkersuisut inuussutissarsiutinik siuarsaanermut taarsigassarsititsissapput qinnuteqartup nammineerluni akilikaminik aallarniuteqarnissaa piumasaralugu.

Imm. 2. Inuussutissarsiutinik siuarsaanermut taarsigassarsiassaasa tunniunneqannginnerini, taarsigassarsisup nammineerluni akiligassai Namminersorlutik Oqartussanut akilerneqassapput.

Imm. 3. Nunalerisutut aallartinnermut atatillugu Naalakkersuisut inuussutissarsiutinik siuarsaanermut taarsigassarsititsinerminni taarsigassarsisup nammineerluni akiligassai ikinnerpaamik 5%-inut appartissinnaavaat, aammalu taarsigassarsiat erniallit amerlaqataannik qaffatsissinnaallugit, taarsigassarsisoq aallartinnermini imaluunniit nunalerinermik ingerlatsivimmi piginneqataassutinik pisinermini minnerpaamik ingerlatap 33 %-iinik pigisaqarpat.

Imm. 4. Taarsigassarsisup nammineerluni akiligassai imm. 3 naapertorlugu appartinneqarsinnaanngillat, taarsigassarsisoq nunalerinermik ingerlatsivimmi piginneqataareerpat, aammalu nunalerinermik ingerlatsivimmi tassani piginneqataassutinik allanik pisisimappat.

Imm. 5. Aningaasaliinermut tunngatillugu imm. 3 naapertorlugu taarsigassarsianik qaffaaneq taamaallaat aningaasaliissutitut, taarsigassarsisup nunalerisutut aallartinnerani ukiunut tallimanut siullernut aningaasaliissutissatut pilersaarummut, Nunalerinermut Naalakkersuisoqarfimmit akuerisamut ilanngunneqarsimasunut, atorneqarsinnaavoq.

Imm. 6. Imm. 1-2-mi aalajangersagaq kinguaariit nikinneranni atorneqassanngilaq, imaattoqarpat:

- 1) piginnittoq nutaaq tunniussineq sioqqullugu nunalerinermik ingerlatap ingerlanneqarneranut annertuumik uppersarneqartumillu attuumassuteqartoq, aamma
- 2) inuussutissarsiutinik siuarsaanermi taarsigassarsiat § 37-mi, imm. 2. malillugu naliliineq tunngavigalugu tunniunneqassapput.

Inuussutissarsiutinik siuarsaanermi taarsigassarsianik iluarsiissuteqarneq

§ 20. Inuussutissarsiutinik siuarsaanermi taarsigassarsiat aningaasartuutiviit akilikkat aamma tapiiffigineqarsinnaasutut uppersarneqartut tunngavigalugit iluarsiivigineqartarput.

Imm. 2. Aningaasat taarsigassarsiat tamarmiusut tamakkerlutik atorneqanngippata, taarsigassarsiat taamaaqataanikiluarsiivigineqassapput.

Imm. 3. Inuussutissarsiutinik siuarsaanermi taarsigassarsiat qaffanneqarnissaannik qinnuteqaat nalunaarutigineqartoq, akuerineqarsinnaavoq, imaappat:

- 1) aningaasartutit qaffannerat piviusorsioortumik tunngavilersorneqarpat, aamma
- 2) neriorsuutigineqartoq naapertorlugu aningaasartuutit tapiiffigineqarsinnaappata.

Imm. 4. Taarsigassarsianik qaffaaneq nutaamik allaffissornikkut aalajangiinermik tunngaveqassaaq aamma nammineq ingerlaannartumik pisinnaanngilaq.

Imm. 5. Inuussutissarsiutinik siuarsaanermut taarsigassarsianik iluarsiissuteqarnermi taarsigassarsiat ernialersukkat aamma taarsigassarsiat ernialersugaanngitsut akilersugassaanngitsullu akornanni agguassinermi

najoqqutaq inuussutissarsiutinut siuarsaanermi pissutsimut tassunga atuuttoqatuuttinneqartarpoq. Nammineerluni akilikkat § 21 malilluguiluarsiivigineqartussaapput.

§ 21. Nalimmassaanermi § 20 malillugu aningaasartuutit akilikkat akuersissutigineqartullu procentiata ilaatut nammineq akiliutit naatsorsorneqassapput.

Imm. 2. Piviusumik aningaasartuutit uppersarsakkat suliniutitut pilersaarutip naammassinerani, neriorsutigineqartumit appassinneruppata nammineq akiliutit naleqqiussinikkut nalimmassarneqassapput.

Imm. 3. Imm. 2 malillugu nalimmassaanerup malitsigisaanik nammineq akilikkat amerlavallaarpata, taarsigassarsisumut sinneruttut utertillugit akilerneqassapput.

Imm. 4. Nammineq akilikkat sinneruttut utertillugit akilerneqarnerini tamanna utertoortussat allagartaannik tunniussinikkut pissaaq, nammineq akilikkanut akiligassat allagartaat siulleq innersuussutigalugu.

Imm. 5. Inuussutissarsiutinik siuarsaanermi taarsigassarsiat § 20 malillugu qaffanneqarpata tamatuma kinguneranik nammineerluni akiliutinut ilassutitut akiliinissamik piumasaqartoqassaaq, taannalu pitinnagu qaffaassutaasoq akilerneqarsinnaanngilaq.

Taarsigassarsiarisinnaasut assingiingitsut akilersuinerlu

§ 22. Inuussutissarsiutinik siuarsaanermut taarsigassarsiat, taarsigassarsiatut ernialittut tunniunneqarsimasut akilersorneqartussaapput ukiumoortumik aalajangersimasumik erniaqartinneqarlutik.

§ 23. Taarsigassarsiat erniaqaratillu akilersugassaanngitsut nalinginnaasumik akilersorneqarsinnaanngillat.

Imm. 2. Taarsigassarsiat inuussutissarsiutinik siuarsaariaatsimut atuuttumut tunngasut ukiumoortumik atsikkutigiissaakkamik nalikillisinneqartarput piffissap aalajangersimasup iluani akilersorneqarlutik.

Imm. 3. Akiliutinik utertitsequsineq taamaallaat pisinnaavoq inuussutissarsiutinik siuarsaanermi atugassarititaasut naammassineqarsimanngippata.

Erniat

§ 24. Inuussutissarsiutinik siuarsaanermut taarsigassarsiat erniaat ukiumut 2 %-iussasoq Naalakkersuisut aalajangigaraat.

Piffissamut aalajangersimasumut akiliutit

§ 25. Taarsigassarsiat erniallit, inuussutissarsiutinik siuarsaanermut taarsigassarsiatut tunniunneqartut ukiumoortumik ataasiarluni akiligassanngortinneqarlutik akilersorneqassapput. Nunalerinermut Naalakkersuisoqarfiup ukiut tamaasa novembarimi akiligassaq nassiuttassavaa, taamaattoarli siusinnerpaamik ukiup tulliani taarsigassarsiat akilerneqareerneranni.

Imm. 2. Akiligassat piffissalikkat piffissaq eqqorlugu akilerneqarsimassapput, akiligassat piffissalikkat nassiunneqarneriniit kingusinnerpaamik ullut 30-t qaangiunnerini akilerneqarsimassallutik..

Imm. 3. Nunalerinermut Naalakkersuisup inuussutissarsiutinik siuarsaanermut taarsigassarsiat taamaatissinnaavai, ikinnerpaamik qaammatinik arfinilinnik sivilissusilimmik piffissalikkamik, tassunga ilanngullugit erniat

akilersugassallu, taakku piffissaagallartillugu akilernerqarsimanngippata aamma § 26 malillugu akiligassaqarnermik eqqaasitsissutit kingunerqarsimanngippata.

§ 26. Piffissaq eqqorlugu ukiumut aalajangersimasumik akiliutissat akilernerqanngippata, Nunalerinermut Naalakkersuisoq eqqaasitsissummik nassiussissaaq.

Imm. 2. Eqqaasitsissummutakiliut piumasarineqarsinnaavoq, tak. Kingusinaarluni akiliinermi erniat pillugit il.il. Kalaallit Nunaannut inatsimmut nalunaarummi § 9b.

Imm. 3. Eqqaasitsissutit minnerpaamik qaammammik ataatsimik akunnilerlugit nassiunneqassapput.

Imm. 4. Eqqaasitsissutit pingasoriarluni nassiunneqarnerata kingorna akiliisoqanngiinnarpat, Akiliisitsiniartarfinnmut suliaasannorlugit tunniunneqarsinnaapput. Taarsigassarsinermut qularnaveeqqusiisoqarsimappat, aallaaviusutut Nunalerinermut Naalakkersuisoqarfiup pissutsit immikkut ittut aporfiliinngippata qularnaveeqqusiineq piviusunngortinniassavaa.

§ 27. Akiligassat, ukiumut aalajangersimasumik akiliutissat akilernerqanngitsut ullormi akiliiffissamit ernialersorneqassapput.

Imm. 2. § 24 malillugu inuussutissarsiutinik siuarsaanermi taarsigassarsianut piffissamut sukkulluunniit erniarititaasutut erniat annertussuseqarput.

§ 28. Erniat, akilersuutit ukiumullu aalajangersimasumik akiliutissarititaasut piviusumik naatsorsorneqarnerat akunnaallilernagu ingerlaavartumik naatsorsorneqassaaq.

Imm. 2. Erniani, akilersuutini ukiumullu aalajangersimasumik akiliutissarititaasuni assigiinngissutinik akunnaalliliisinnaaneq ukiumut aalajangersimasumik akiliinermi tiluarsiivigineqarsinnaavoq.

Akilersuinissamut tapiissutit

§ 29. Naalakkersuisut inuussutissarsiutinik ineriartortitsinissamut taarsigassarsiat akilersornissaannut tapiissuteqartarsinnaapput, taarsigassarsisup akilersugassani taarsigassarsinermut isumaqatigiissummi inuussutissarsiutinik siuarsaanermut taarsigassarsiat akilersorneqarfissaattut aalajangersarneqartut naapertorlugit piffissaq eqqorlugu akiliisarnera malillugu. Erniat akilersornerinut tapiissuteqartoqarsinnaanngilaq.

Imm. 2. Taarsigassarsiat akilersornissaannut tapiissutinik tunniussisoqarsinnaanngilaq piffissami aalajangersimasumi atuuttumi ataatsimik arlallinnilluunniit akiligassaqartoqarpat, piffissamilu aalajangersimasumi akiligassanik akilinngitsuukkanik inuussutissarsiutinik ineriartortitsinermut pineqartumut taarsigassarsianik akilinngitsuukkanik peqarpat.

Imm. 3. Naalakkersuisunit inuussutissarsiutinik siuarsaanermut taarsigassarsiat akilersornerinut tapiissutit 35 %-inut aalajangerneqarput.

Qularnaveeqqusiineq

§ 30. Inuussutissarsiutinik siuarsaanermut taarsigassarsiat, pigisamut aalaakkaasumut atorineqartussat tamatigit uppersaammik, pigisap nalunaarsuisarfinni allattaavianut nalunaarsorneqarsimasumik qularnaveeqquserneqartassapput.

Imm. 2. Inuussutissarsiutinik siuarsaanerit aamma pitsaanerpaamik qularnaveeqquserneqartassapput, taakkulu pigisami, inuussutissarsiutinik siuarsaanermut taarsigassarsiffigineqartumi uppersaammik nalunaarsorneqarsimasumik qularnaveeqquserneqarsinnaapput.

Kapitali 3

Pisussaaffimmik sumiginnaanermi, naleqqussarnermi isumakkeerinermilu pissutsit immikkut ittut

Ilanngaassineq

§ 31. Kalaallit Nunaanni Namminersorlutik Oqartussanut tunngatillugu qinnuteqartoqakiitsunik akilinngitsuugaqarsimappat, Nunalerinermut Naalackersuisoqarfik nalunaarut manna malillugu akiliuteqarnerni ilanngaassisinnaavoq.

Imm. 2. Aallaaviatigut ilanngaassinerup akiliuteqarnerit ataasiakkaat 33%-t qaangersimassanngilaa.

Piffissamik akiliiffissamik kinguartitsineq

§ 32. Nunalerinermut Naalackersuisup qinnuteqartoqareernerani taarsigassarsisup piffissamut akiligassanut akiliinissaanik ukiut pingasut tikillugit kinguartitsisinnaapput:

- 1) qularnaveeqqusiissutaasup nalinga inuussutissarsiutinik siuarsaanermut taarsigassarsiat tamarmiusut inernerisa 60 %-ii sinnerlugit naleqartutut missiliorneqarpat, aamma
- 2) akiliisinnaannginneq akiliisinnaanngikkallarnertut naliliiffigineqarpat.

Imm. 2. Akiligassat piffissalikkat imm. 1 naapertorlugu kinguartinneqarnissaannik qinnuteqaat kingusinnerpaamik 15. oktobarimi Nunalerinermut Naalackersuisoqarfimmut tunniunneqassaaq.

Imm. 3. Piffissamut akiligassat kinguartinneqareernerini taarsigassarsisup piffissamut akiligassani akilersoqqilerpagit, piffissaq akilersuiffiusoq piffissamut akiligassat kinguartinneqarfiisa annertoqataanik sivitsorneqassaaq.

Imm. 4. Nunalerinermut Naalackersuisoq pisuni immikkut ittuni piffissalikkamik akiligassat akilerneqarnissaannut ukiut pingasut sinnerlugit sivitsuisinnaavoq.

Piffissaq sioqqullugu tamakkiisumik akiliineq

§ 33. Taarsigassarsisoq taarsigassarsiat ernialersukkat akilernerat naammassissallugit imaluunniit ataqatigiissitsinikkut taarsigassarsiap ernialersukkap ilaa piffissaq sioqqullugu tamakkiisumik akilersinnaallugit pisinnaatitaavoq, taarsigassarsinermut isumaqatigiisummi allamik immikkut ittumik allassimasoqanngippat.

Imm. 2. Piffissaq sioqqullugu akiliineq taarsigassarsiat piffissami akilersorneqarfisaanni sukkulluunniit pisinnaavoq.

Imm. 3. Piffissaq sioqqullugu tamakkiisumik akiliineq akiliuteqanngitsumik pisinnaavoq.

Imm. 4. Taarsigassarsianik ernialinnik imaluunniit ataqatigiissitsinikkut taarsigassarsiap ernialersukkap ilaa piffissaq sioqqullugu ttamakkiisumik akiliineq, § 29 malillugu akilersuinissamut tapiissutinut pisinnaatitaanermut attuumassuteqassanngilaq.

Imm 5. Taarsigassarsiat erniaqaratillu akilersugassaanngitsut imaluunniit ataqatigiissitsinikku taarsigassarsiat erniaqaratillu akilersugassaanngitsut ilai piffissaq sioqqullugu tamakkiisumik akiliineq pillugu malittarisassanut ilaannngillat.

Aningaasaleeqqinnerit

§ 34. Nunalerinermut Naalakkersuisoq inuussutissarsiutinik siuarsaanermut taarsigassarsianit tunniunneqartunit nalunaarut manna malillugu, imaluunniit nunalerinerinermik inuussutissarsiornerup siuarsarneqarnissaanut siornatigut maleruagassiaasimasuni §§ 1-10 malillugit nutaanik inuussutissarsiutinik siuarsaanermut taarsigassarsititsinikku akiitsunut akilinngitsuukkanut aningaasaleeqqissinnaavoq, imaappat:

- 1) aningaasaleeqqinnissaq nunaleriffiup ingerlaannarnissaaup pingaarutilerujussuurtut naliliiffigineqarpat,
- 2) taarsigassarsisup taarsigassarsiat nutaat akilersorsinnaagai naliliiffigineqarpat, aamma
- 3) nunaleriffiup ineriartornissaanut aamma akiitsut akilersornissaanut ukiunut tallimanut pilersaarummit, Nunalerinermut Naalakkersuisoqarfimmit akuerineqartumik, peqarpat.

Imm. 2. Akiitsunut aningaasaleeqqinnermut inuussutissarsiutinik siuarsaanermut taarsigassarsiat piffissaq akilersorneqarfissaat sivisunerpaamik ukiunut qulinut aalajangerneqassaaq.

Taarsigassarsianik allanngineq

§ 35. Nunalerinermut Naalakkersuisup inuussutissarsiutinik siuarsaanermut taarsigassarsiat inuussutissarsiutinik siuarsaanermut taarsigassarsianut allanut allanngortissinnaavai, piffissamut akilersorneqarfissaannut pigisap inuussutissarsiutinik siuarsaanermut taarsigassarsititsiffigineqartup atasinnaaffissaatut naatsorsuutigineqartumit sivisunerunngitsumik sivisussusiliilluni:

- 1) inuussutissarsiutinik siuarsaanermut taarsigassarsiarineqartut ukiut tallimat sinnerlugit akilersorneqarsimappata, aamma
- 2) taarsigassarsisup inuussutissarsiutinik siuarsaanermut taarsigassarsiat nutaat akilersorsinnaagai nalilerneqarpat.

Tunniussineq

§ 36. Uani tunniunneqartut imaluunniit siusinnerusukku aalajangersakkanut naapertuuttut malillugit inuussutissarsiutinik siuarsaanermi taarsigassarsianut akiligassallit allanngortinneqarsinnaannngillat.

§ 37. Nunalerinermik ingerlatamik tunniussinermi, matumani ilanngullugu kinguaariit nikinneranni, pigisat, tassunga ilanngullugit inuussutissarsiutinik siuarsaanermi taarsigassarsiat tunniunneqartut, nalilerneqassapput.

Imm 2. Naliliinermi niuernerminingalata pisoqaassusianut, pitsaassusianut atorsinnaanerannullu tunngasut aallaavigineqassapput. Nunalerinermut Naalakkersuisoqarfiup pigisat nalinginik arlaannaannulluunniit attuumassuteqanngitsumit naliliisitsisoqassasoq illuatungeriinnut inassutigisinnavaa.

Imm. 3. Naliliineq suliarineqartoq tunngavigalugu aamma nalunaarummi matumani malittarisassat malillugit piginnittunut nutaanut inuussutissarsiutinik siuarsaanermi taarsigassarsiat tunniunneqassapput.

Imm. 4. Tunniussinermut atatillugu inuussutissarsiutinik siuarsaanermi taarsigassarsiat atuuttut akilerneqassapput. Akiitsunik akilerneqarsimannngitsunik sinneruttoqarpat, pigisat tiguneqartut nalinginut naapertuutinnngitsumik, taakku siusinnerusukku taarsigassarsisup pisussaaffigissavai.

Imm 5. Tunniussinermi taarsigassarsianut erniaqaratillu akilersugassaanngitsunut imaluunniit ataqatigiissitsinikkut taarsigassarsiat erniaqaratillu akilersugassaanngitsut ilaannut akiliilluni utertitsisussaataaneq atorunnaartarpoq, inuussutissarsiutinik siuarsaanermi piumasaqaatini taamatut annertussuseqartut eqquutsinneqarpata. Piumasaqaatit naammassineqarsimanngippata tamakkiisumik ilaannakuusumilluunniit utertilluni akiliineq aalajangiiffigineqarsinnaavoq.

§ 38. Pigisanik, piginneqataassutinik imaluunniit atuisinnaanermut pisinnaatitaaffinnik tunniussineq, nunalerinermik ingerlatamik piginnittup allanngornerata piviusumik kingunerisassai, §§ 36 aamma 37 malillugit tunniussinermut naligiisinneqassapput, inatsisitigut ilusiligaanera apeqqutaatinnagu.

Inuussutissarsiutinik siuarsaanermut aningaasaliissutinik unitsitsineq

§ 39. Nunalerinermut Naalakkersuisup inuussutissarsiutinik siuarsaanermi taarsigassarsiat atorunnaarsissinnaavai, taamaalilluni taarsigassarsiat erniallit tamakkiisumik ilaannakuusumilluunniit tamakkerlugit akiliinissamut akiligassanngortillugit aamma taarsigassarsianut erniaqaratillu akilersugassaanngitsunut tamakkiisumik ilaannakuusumilluunniit akiligassanut utertillugit akiligassanngorlugit, piffissami taamaatitsinerup minnerpaamik qaammatit arfinillit iluanni, imaattoqarpat:

- 1) taarsigassarsisup ukiuni tulliinni marlunni inuussutissarsiutigalugu nunalerineq pingaarnertut inuussutissarsiutigisimanngippagu, tak. nunalerinermik inuussutissarsiuteqarnerup siuarsarneqarnissaa pillugu Inatsisartut inatsisaanni § 4, imm. 2 aamma 3,
- 2) taarsigassarsisup nunalerinermik ingerlatsinissamut piumasaqaatit naammassisinnaajunnaarpagit, imaluunniit nunalerinermut pineqartumut oqartussaasunit akuersisummik allamik amigaateqarpat, imaluunniit
- 3) taarsigassarsisup taarsigassarsinermut piumasaqaatit atugassarititaasut annertuumik sumiginnarpagit.

Imm. 2. Nunalerinermut Naalakkersuisup illunik inuussutissarsiorfiusunik, nammineeeluni illulianik, unnuissarfinnik imaluunniit imaluunniit innaallagissiorfinnik tigusinissamut inuussutissarsiutinik siuarsaanermut taarsigassarsiat taamaatissinnaavai, taakku inussutissarsiutinik siuarsaanermut taarsigassarsiat tunniunneqarnerinit ukiut qulit iluanni tunineqarpata.

§ 40. Nunalerinermut Naalakkersuisup taarsigassarsiat taamaatippagit, tak. § 29, imm. 3 imaluunniit § 39, taamaatitsinerup saqqummiunneqarneraniit inuussutissarsiutinik siuarsaanermut taarsigassarsiat ernialersorneqarnerat unissaaq.

Isumakkeerineq

§ 41. Akiitsut, nalunaarut manna imaluunniit siornatigut aalajangersagaasimasut assingusut naapertorlugit inuussutissarsiutinik siuarsaanermut taarsigassarsiaasimasut pillugit taarsigassarsisup qinnuteqareernerani, pissutsit immikkut ittut tunngavigalugit tamanna naammaginatutut isumaqarfigineqarpat, aammalu taarsigassarsisup akiliisinnaanani uppersarsarsinnaappagu, Nunalerinermut Naalakkersuisoq akiitsunik tamakkiisumik ilaannakuusumilluunniit isumakkeerinissinnaavoq. Taarsigassarsisoq akiliisinnaanngitsutut isigineqassaaq, taarsigassarsisoq akiliisinnaanngippat, aammalu ukiuni qaninnerni inuussutissarsiutinik siuarsaanermut taarsigassarsiaminik appartitsisinnaanera ilimanaateqanngippat. Aamma

isumakkeerinnittoqassappat, isumakkeerinninnerup taarsigassarsisup aningaasaqarnikkut atugaanik ataavartumik pitsannguiffiunissaata ilimanaateqarnissaa piumasarineqarpoq.

Imm. 2. Akiitsunik isumakkeerinninneq nalinginnaasumik pisinnaanngilaq:

- 1) Taarsigassarsisoq aningaasaqarnikkut mianersuaalliorluni iliuuseqarsimappat, taakkunungalu ilanngullugu ikinngitsunik akiitsoqalersimappat:
 - a) piffissami taarsigassarsisup aningaasaqarnikkut pisussaaffimminik naammassinnissinnaanngiffianni akiitsut pilersinneqarsimappata, tamatumani inuussutissarsiornermut akiitsut niuernikkut tunngavilersugaalluartut imaluunniit taarsigassarsianik allannguneq tunngavilersugaalluartoq pineqanngippat,
 - b) taarsigassarsisup aningaasaqarnikkut annaasaqarfiusinnaasunik, taarsigassarsisup aningaasaqarnikkut atugaanut naleqqutinngitsunik iliuuseqarneratigut pilersimappata,
 - c) pisariaqanngitsumik atuinissaq siunertaralugu pilersinneqarsimappata, tamatumani pissutsit immikkut ittut pequtaallutik naammaginnartutut isigineqarsinnaanerisa kingunerisaanik akiitsortoqarsimanngippat, imaluunniit
 - d) pisortanut namminersortunulluunniit amerlasuunik allanik akiitsoqarsimappat, piffissap ingerlanerani ataqatigiissakkamik pilersinneqarsimasunik,
- 2) Taarsigassarsisoq nunalerivimminik ingerlatsinermi niuernikkut mianersuaalliorujussuarsimappat.
- 3) Taarsigassarsisoq ingerlaavartumik isertitaqartarnermini imaluunniit allatigut isertitaqartarnermini naammaginnartumik periarfissaqaraluarluni akiitsuminut akilersuinngitsoorsimappat.

Imm. 3. Aamma taarsigassarsisup kingusinnerpaamik isumakkeerinninnermut peqatigitillugu pigisaminik, nunalerivimmik ingerlatsinermut attuumassuteqartunik tamanik tunisisimanissaa, isumakkeerinninnissamut piumasarineqarpoq.

Imm. 4. Nunalerinnermut Naalakkersuisup isumakkeerinninnissamik aalajangiinnermini akiitsut pisoqaassusii pingartissavai.

Imm. 5. Isumakkeerinninneq taamaallaat inuinnarnut suliffeqarfinnullu, piginneqataasut tamarmik immikkut suliffeqarfiup pisussaaffiut killeqanngitsumik nammaqatigiillutillu akiliisussaaffigisaannut atorneqarsinnaavoq.

Kapitali 4

Atortuulertia

§ 42. Nalunaarut manna 15. september 2026-imi atuutilerpoq.

Imm. 2. Peqatigisaanik Nunalerinnermik inuussutissarsiuteqarnermut inuussutissarsiutinik siuarsaaneq pillugu Namminersorlutik Oqartussat nalunaarutaat nr. 73, 21. december 2024-meersoq atorunnaarpoq.

Namminersorlutik Oqartussat, ulloq 21. august 2026

Peter Borg (atsior.)

Aalisarnermut, Piniarnermut, Nunalerinnermut Imminullu Pilersornermut Naalakkersuisoq

/ Emanuel Rosing (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut